

中國方志叢書·華中地方·第九四六號

據

清·童範儼等修，陳慶齡等纂
清同治九年刊本

影印

江 西 省

臨川縣志

(八)

成文出版社有限公司印行

本書承

日本國會圖書館以所藏稿本借攝
謹誌並致謝忱

臨川縣志卷四十八之一

人物志

列女

凡入節孝總祠有有傳者有無傳者其姓氏概彙烈於各祠內

守節撫孤微分難易兩者能兼尤爲可貴烈婦貞娥
矢死無二慷慨從容各遂厥志羅紙金花

彤廷獎異相彼貞珉潸然出涕

宋節烈

陳氏適宜黃涂端友紹興乙巳賊發與被執者同驅入黃
山寺陳罵曰我良家子義不受辱乃幽之複壁居數日
族黨贖金帛贖還過半賊縱陳亦使去陳曰吾聞貞女
不出閨闈今何面目登涂氏堂死之

梁氏歸王姓僅數月會元兵至夫婦俱被執有千戶強欲汚之婦曰夫在情不忍帥釋其夫婦度夫行已遠即拒罵奮力與搏破殺後夫謀更娶人不諧夢梁云我託生某氏當復歸君比遣聘詢其年與梁死日合

元

節烈

夏氏李宗頤妻元末陳友諒寇隆興賊至投井死

李氏餘干李仲公女仲公避兵臨邑遂歸邑人艾子高生子在襁褓苗兵猝至李與夫潛逃遺子於寢李復入取子至室被兵執欲汚之罵賊而死子猶在懷中

明

節烈

李氏胥廷儉妻年十七正德壬申盜起突至其里與廷儉

妹胥氏從後門出走羣盜追之至舍傍湖畔二女相攜投湖死

陳氏黃廷賓妻御史紀之子婦也事姑孝姑卒於京同樞南歸陳哭屢絕夢見姑曰玉河吾與汝相遇也及天津登舟問舟人水名對以天津玉河陳卽赴河死天津萬艘聞者哀之爲立孝婦祠

湯氏吳重佐妻夫亡撫女守節女嫁湯自縊死

婁氏昭溪左愈定妻正統時人愈定病時氏矢以死殉及卒卽自盡

周氏昭溪左三卿妻周孔十二女萬厯時爲里少乘醉戲侮忿激自盡年二十

曾氏曾益幼女節推徐景行長子銓妻十五歸徐敬承婦
道亡西避居母家爲兵所執強逼之不從初截其髮再
斷其左臂憤罵益甚衆怒縛置柱間裂體剖腹而死

胡氏利津令樂徽聲之妾徽聲殉難於任氏從死

江氏縣諸生孔尙節妻尙節投左良玉麾下爲裨將鎮防
池州崇禎十七年聞北京陷遂棄官江氏年未四十爲
賊所掠欲污之指罵不屈賊怒斷其肱胷愈甚賊尸解
之而去

雙烈曾氏袁溶妻娣黃氏袁湜妻明嘉靖辛酉八月十三
日流賊入縣南境劫掠人民二婦義不受污賊劫之行
遇深池赴水死賊去得其屍而如生妯娌攜手不解府

縣以其事聞朝廷給銀六十兩建坊旌表額曰雙烈坊
聯曰妯娌捐生貞烈一心昭日月朝廷旌表芳名千古
振綱常知縣游日章爲省祭袁溶妻曾氏袁湛妻黃氏
立又手書雙烈扁額於其家

坊在百三都客山里

徐氏玉容自幼知書明大義適蟾源張煒年二十夫亡服
闋託言謁華山志在死節乃作書先遣婢歸與姑永訣
遂向紫元洞墜崖而死顏色如生經月不變胡先覺傳
其事萬厯元年癸酉建坊旌表題曰張煒妻徐氏貞烈
坊

周氏陳忠妻正德七年盜起忠率族人與格戰潰走周被
驅自投於沼其伯母王氏楊氏孀張氏饒氏王氏及女

金玉俱赴水死奉旨旌表一門七烈又有李貫五妻張氏梁元五妻周氏梁伯一妻晏氏俱被執不屈遇害王自二妻何氏王白九妻李氏歐蓋十妻陳氏全式二妻陳氏全式三妻萬氏皆罵賊而死

邱氏王需妻無嗣早寡富人聞其美謀娶之厚往納幣翁許焉邱閉戶縊死應雲鸞奏聞旌表

何氏舉人伍憲中妻聞夫計偕卒於京誓不復生初投河婢救之伺隙復投屋後池中死

國朝節烈

吳傅氏吳觀海妻傅向九之女三十五歲夫歿潔清自守嘉慶二十三年十二月有族人吳美玉欲佃耕傅氏田

傅氏不允美玉遂拔嫌誣姦氏赴縣鳴冤經族勸息次年二月族婦吳趙氏語及其事氏憤曰汝以我未死耶斥之去是日服毒身死時年四十歲族鄰具報傅氏堅守節操抱忿捐軀於嘉慶二十五年題

旌

熊氏知字標妻歸字標甫踰月字標從師遠遊踰年凶耗至氏飲水食椒忍死待櫬歸一漏而絕年止十八歲郡守邵洪給扁額口冰光遠澈

管氏豐城人適臨川劉達家貧解衣飾佐讀崇禎庚午達領鄉薦第一甲成進士令寶應擢御史按廣東當報命適甲申之變未得行順治乙酉黎家避兵豐城寓隱溪騎軍突至達逸氏被執不屈帥殺其子茂才脅之氏

大罵達從弟鍾秀既匿免聞之亟挺身出謂帥曰即舍彼黃金美女惟吾可立致也氏得乘間跳入深池自溺死帥怒并殺鍾秀達悲慘不自勝未逾月亦卒

鄧氏陳廣五妻年十九夫亡無子矢志靡他順治甲申山寇圍劫鄧匿屋後高明樓寇逼近遂投樓下藕池中死三日屍浮水面家人收而葬之

常氏周文甫妻明末避兵靈山兵至不甘辱棄抱孩躍井死越四日起之面目如生夫感義遂不再娶子三有孝行孫紹武因父病習岐黃後任醫學語及祖母輒號泣某氏婦亡西夏兵至撫次日衆於南市天符廟側見刃死一婦屍年約二十美姿當盛夏裏服皆三四襲上下以

針線密縫衣日無隙可解蓋預防見執而誓以必死者
衆哀棺殮之不知名氏傳太常榷爲作歌以傳之

王氏孝廉許晉妻時值王得仁黨號楊先鋒肆掠郡東南
王偕叔姑徐氏避兵渡江猝遇兵江潯爲所掠王奮罵
曰吾名家婦豈受辱乎兵揮刀斷臂死徐亦赴江水死
孝廉黃恢宏作烈女傳晉年四十感妻死終身不娶歲
時詣墓哭之

袁氏五十四都官田吳光普妻順治五年戊子兵變擄女
投楊溪死時年三十四歲

傅氏郡庠弈慶女適本邑王某康熙甲寅兵至被執行半
里至秋塘岡下有深池即投水死時年十八母家收而

葬之近里周師山

王氏貢生樂隱聲妻乙卯被土寇執欲污之罵不絕口執至途中被極刑屠腸而死

黃氏傅明垣妻時寇發黃奔於郊賊尾急距百步許知不可脫路傍有清流遂赴之賊大聲呼曰吾不掠汝黃恐其緩已愈深人而死

謝氏黃三極妻三極以順治甲午舉於鄉未幾卒謝年二十有六母氏欲使易節迎之歸甯道經譙樓下赴水而死

某氏鄒賡錫妻賊掠不從砍數刀推墜坑中死

某氏熊立四妻甲寅閩寇作氏懼汚跳印山池水死同時

徐氏黃徽十妻投古井死徐氏熊軒一妻被劫跳入龍岡前池中死見夢於夫求之果得其屍

傅氏傅占衡女適金邑黃獅渡廩生黃若懷一子一女

大兵至恐辱母女二人同赴水死藍千秋有華溪行爲是作也

郭氏黃希倫妻甲寅之亂被賊掠行里許給之曰無執我我能行矣遂猝跳深池以死後求屍又得一少婦抱孩先沈此矣同時有鵲塘揭徐氏被賊追及投院前橋水死徐邱氏攜女同投水死長甯一鄉池塘中多有少婦屍不知姓名

王氏陳淑潘妻年十八生一子士韶僅二歲夫覆舟溺死

王氏欲自投以殉從婦救止始立石涯次觀者莫解後
翁死子長忽夜半至立石處投河而死鄉人烈之

陳氏明舉人吳助國妻年二十二守節順治戊子金聲桓
王得仁之亂陳氏遁途遇亂兵逼撞石而死年二十六
左氏許職昇妻順治戊子金王之亂被掠欲污之義不受
辱遂爲亂槍所殺

游氏順治辛卯舉人游爲龍之女也適婁坊舉人邱振翼
之第五子夜爲劫盜所逼義不受辱墜樓而死

吳氏張政五九妻甲申之亂土賊掠之上馬吳氏自投撞
石破面罵不絕口賊揮刀斷之爲三

徐氏卻濱妻歸却甫三月濱歿年方十九遺腹產一女傷

慟不欲生相繼而逝

烈婦吳氏吳宏六妻爲流賊所掠義不受辱死

黃氏劉國吉妻貢生劉懷瑜祖母也年二十四國吉死撫孤子元任甲申之亂避兵母家下村李姓一日土賊至衆鳥獸散不能相顧黃遽匿稗叢中衣襟稍露爲賊所見氏恐辱身舉石塊奮擊之傷賊面賊怒逐遇害肩背皆斷

傅氏適王避亂母家爲賊所執不屈死

樂氏揭河一妻甲申之亂避兵高坪爲土寇所掠躍入池中賊投石碎其腦池水盡赤時年十九河一繼室子奇生妻徐氏甲寅之亂爲騎兵所掠與乳母傅氏之女同

置馬上驅之西去前望有危橋徐密謂傳曰吾與若得
死所矣遂墮水死傳女從之徐年二十二傳年十八
劉氏孔衍璋妻前明吏部劉世享孫女順治乙酉土寇亂
隨夫避湖頭俱爲賊所執劉氏自度兩命難全乞釋夫
命夫釋教其逃逃曰妻死猶可再娶無念我夫不忍去
涕泣不休賊怒而殺之劉氏奮身投湖而死三日而尸
不浮及覓其踪沒泥深尺餘

許貞姑乳名妬玉崇仁大橋里邑庠許廷魁孫女許字邑
南鄉古崇源何公喜幼習女師學通書義年十歲即自
名貞姑不欲人呼妬玉也乾隆十六年貞姑年二十歲
訂昏期十二月適十一月公喜母黃與族人口角族按

地毒毆公喜疾往救母毆族傷數日死公喜下獄時議
救母宜得不抵貞姑婦母萬欲俟壻果得釋罪另擇期
嫁女貞姑泣曰夫救母獲罪雖死亦義也女已定期當
往事舅姑若違期留女女有死許氏耳母知不可奪如
期歸之慰事舅姑俾毋憂恐私念不得獄中一慰其夫
每中夜飲泣嘗密語姑若夫罪不減婦死可代抵否姑
曰不可十七年十二月得部議以總麻服制仍擬抵貞
姑驚惶家人防守不懈是月二十二夜女伴睡熟貞姑
自縊死比秋審公喜以可矜得減軍

萬氏五十三都楊溪李宗泮妻二十六歲夫死一慟幾絕
嘔血數次食不下咽者七日翁姑屢以喪事勸於是忍